

Ի ՐԱՑՈՒ

ԱԿԱԴԵՄԻԿՈՍ Հ. ՄԱՆԱՆԴՅԱՆԻ ԾՆՆԴՅԱՆ 75-ԱՄՅԱԸ

1949 թ. դեկտեմբերի 2-ին իշվեց ՍՍՌԽ Գիտությունների Ակադեմիայի և Հայկական ՍՍՌ Գիտությունների Ակադեմիայի իսկական անդամ Հակոբ Մանանդյանի ծննդյան 75-ամյակը։ Այդ առթիվ հրավիրվեց Ակադեմիայի Հասարակական Բաժանմունքի հանդիսավոր Լիստ։

Ներածական Հակիրճ ճառով նիստը բացարեց յաժանմունքի ակադեմիկոս քարտուղար Կ. Ղափանցյանը։

Բնութագրելով ականավոր պատմաբանի գիտական գործունեությունը, Կ. Ղափանցյանը ասաց.

— Ռուսաստանում և արտասահմանում ստանալով հանդերձ իր ժամանակին լավագույն կրթությունը, երիտասարդ Մանանդյանը, ուրիշ շատ հայադիտների նման չկարողացավ ցարիզմի պայմաններում, էջմիածնի ճղճիմ միջոցառում խորացնել իր սիրած մասնագիտությունը։ Միայն սովետական շրջանում նա հնարավորություն ունեցավ ամբողջովին դրսևնվորելու իր գիտնականի խոշոր ընդունակությունները և իվիրվելու պատմագիտությանը։ Նա եղավ մեր համալսարանի առաջին ռեկտորը։

Մանանդյանը եղել է ամենակտիվ ղեկավար աշխատողներից մեկը մեր այժմյան Ակադեմիայի նախակարապետը հանդիսացող Գիտություն և Արվեստի ինստիտուտում։ Շատ երիտասարդ գիտնականներ եղել են նրա աշակերտները։ Նույնիսկ այժմ, իր 75-ամյա տարիքում, սա չի զլանում մասնակցել ասպիրանտներ պատրաստելու գործին։

Ակադեմիկոս Մանանդյանը բարձր գնահատականի է արժանացել նրանով, որ ընտրվել է Միութենական Ակադեմիայի անդամ։

Ակադեմիկոս Մանանդյանը որոնող և ստեղծագործող գիտնական է, չի սահմանափակվում ու կաշկանդվում ավանդական հայագիտության շրջանակներով, ազգայնական կեղծ պարուրանքներով, սիրում ու գնահատում է հայ մողղրդի դարավոր անցյալը։

Ակադեմիկոս Հ. Մանանդյանի կյանքի ու գործունեության մասին ղեկուցեց Հայկական ՍՍՌ Գիտությունների Ակադեմիայի Պատմության ինստիտուտի Հիլ և միջին դարերի պատմության սեկտորի վարիչ, պատմական գիտությունների Բեկնածու Ս. Սրեմյանը։

— ՍՍՌԽ Գիտությունների Ակադեմիայի և Հայկական ՍՍՌ Գիտությունների Ակադեմիայի իսկական անդամ Հակոբ Համադասպի Մանանդյանին,— ասում է ղեկուցողը,— ճանաչում է սովետական ամբողջ գիտական հասարակությունը, որպես ականավոր հայագետ-պատմաբանի և բանասերի, որպես հեղինակ մի շարք խոշոր հետազոտությունների, որոնք նվիրված են հին և միջնադարյան Հայաստանի սոցիալական և տնտեսական կյանքի ուսումնասիրությանը։

Խոսելով ակադեմիկոս Մանանդյանի կենսագրություն հիմնական գծերի մասին, ղեկուցողը հակիրճ կերպով բնութագրում է նրա առաջին շրջանի գիտական մի շարք ուսումնասիրությունները։

Ակադեմիկոս Մանանդյանի առաջին գիտական աշխատությունն է «Beitrage zur albanischen Geschichte» ուսումնասիրությունը, որը ներկայացվել է որպես դոկտորական դիսերտացիա և Իննալի համալսարանից ստացել է փիլիսոփայության դոկտորի աստիճան։

1899 թվին, Մանանդյանը, էքստերն քննություն հանձնելով Պետերբուրգի Համալսարանի Արևելյան ֆակուլտետում, արժանանում է առաջին աստիճանի դիպլոմի, իսկ 1909 թվին էքստերն քննություն հանձնելով Յուրեի Համալսարանի (ներկայումս՝ Տարուս, էստոնական ՍՍՌ) իրավաբանական ֆակուլտետում, նույնպես արժանանում է առաջին աստիճանի դիպլոմի։

Ունենալով հանդերձ այսպիսի փայլուն կրթություն և խոշոր գիտնականի անուրանալի տաղանդ, Մանանդյանը նախասովետական շրջանի հայ իրականության սահմանափակ պայմաններում հնարավորություն չի ունեցել լիովին զբաղվելու իր գիտական կարողություններով։ Ապրելու հոգու հարկադրում է նրան գիտական աշխատանքից ավելի զբաղվելու մանկավարժությանը ու այլ գործերով։ Աշխատում է դպրոցներում որպես ուսուցիչ, որպես երգվալ հավատարմատար։

Չնայած այս դժվարին պայմաններին, հրատարակում է մի շարք ուսումնասիրու-

թյուններ: 1903 թվին Մարրուզում լույս է տեսնում նրա „Nonnos, Die Scholien zu fünf Reden des Gregor von Nazianz“ աշխատությունը, մի տարի անց՝ 1904 թվին Դավիթ Անաղթի խնդիրը նոր լուսարանությամբ: Լույս է տեսնում նրա մի այլ աշխատությունը՝ «Անկնություն ստորագրությանց Արիստոտելի ընծայալ էլիասի իմաստասերի» և այլն:

Անշնելով ակադեմիկոս Մանանդյանի սովետական շրջանի հարուստ գիտական գործունեությանը, զննարար ցույց տվեց, որ շնորհիվ գիտության ու գիտնականների նկատմամբ Սովետական իշխանության լայն ու բազմապիսի հոգատարությանը, Մանանդյանը կարողացել է վերջին երեք տասնամյակների ընթացքում լիովին դրսևորել խոշոր գիտնականի իր ընդունակությունները, տալ մի շարք կապիտալ աշխատություններ, որոնք ոչ միայն Սովետական Հայաստանում, այլև ամբողջ Սովետական Միության մեջ, հայտնի են դարձնում նրա անունը ողակա ականավոր գիտնականի:

Սովետական շրջանում դրսևորվում են Մանանդյանի խոշոր կարողությունները հատկապես պատմագրության բնագավառում: Այս ուղղությամբ նրա առաջին լույս աշխատությունն է հանդիսանում «Հայաստանի պատմությունը թուրք-թաթարական արշավանքների շրջանում» ուսումնասիրությունը, որը հեղինակի՝ 1921 թվին կարդացած դասախոսություններն են և ձեռագրի իրավունքով լույս է տեսել Երևանում, 1922 թվին:

Դրանից հետո Մանանդյանը գրում է մի շարք աշխատություններ, նվիրված նախարարական Հայաստանի սոցիալական և տնտեսական կյանքին: 1925 թվից սկսած լույս տեսած այդ աշխատությունները հիմք են դնում Հայաստանի պատմական անցյալի գիտական ուսումնասիրությանը՝ տնտեսական զարգացման տեսակետից: Նվիրված հետազոտություններից ուշագրավ են հատկապես հետևյալները՝ «Դիտողություններ հին Հայաստանի շինականների դրության մասին մարդպանության շրջանում», «Հայաստանի արքանի հարկերը մարդպանության շրջանում» և այլն:

Միջնադարյան Հայաստանի տնտեսական և լադարացան կյանքի առանձին պրոբլեմների լուսարանման տեսակետից խոշոր նշանակություն ունեն լափագիտական, ինչպես նաև ճանապարհների ու վայրերի տեղագրությունը, սազմական արշավանքների ուղղությունները ու խոշոր այն մի շարք հետազոտությունները, որ հրատարակել է ակադեմիկոս Մանանդյանը վերջին տարիների ընթացքում: Երանցից են, օրինակ՝ «Կշիռները և չափերը հնագույն հայ աղբյուրներում», «Երեսույթների ստացիոնը և

պարսից ապարեզը», «Փետիկերյան բարտեզի Hariza կայարանը» „Средневековый итinerарий в армянской рукописи X столетия“, „Круговой путь Помпея в Закавказье“, „Цель и направление подготавливавшегося Нероном Кавказского похода“, „О местонахождении Caspia via и Caspia portae“:

Հին մոնախների և ոսգմական արշավանքների, ուղղությունների այս ճշումը հիմք է տալիս ակադեմիկոս Մանանդյանին, պարզաբանելու անտիկ և հայկական աղբյուրներում հանդիպող մի շարք մոթ ու սակավ ծանոթ աշխարհագրական անունները: Այս կարգի պրոբլեմների լուսարանմանն են նվիրված նրա «Հին Հայաստանի և Անդրկովկասի պատմության մի բանի խնդիրների մասին» գիտական հոդվածների ժողովածուն, «Պատմա-աշխարհագրական մանր հետազոտությունները»:

Ակադեմիկոս Մանանդյանը խոշոր ծառայություններ է մատուցել հայկենիստական դաշրաշանի Հայաստանի վիճագիր արձանագրությունների վերծանման և լուսարանման գործում («Արմավիրի հունարեն արձանագրությունը նոր լուսարանությամբ», «Գառնիի հունարեն արձանագրությունը և Գառնիի հեթանոսական տաճարի կառուցման ժամանակը»):

Ակադեմիկոս Հ. Մանանդյանի այս հետազոտությունները հիմք դարձան ավելի լայն ընդհանրացումներին: Հին և միջնադարյան Հայաստանի տնտեսական կյանքի առանձին հարցերի ուսումնասիրության հանրագումարը հանդիսացավ «О торговле и городах Армении в связи с мировой торговлей древних времен (V в. до н. э — XV в. н. э)» ծավալուն աշխատությունը: Այս մենագրությունը լավագույն տեղեկատուն է հանդիսանում բոլոր նրանց համար, ովքեր ուսումնասիրում են Հայաստանի, Կովկասի և առհասարակ Մերձավոր Արևելքի տնտեսական պատմությունը: Այս աշխատության հետ սերտ կապված է մի այլ մենագրություն՝ «Հայաստանի գլխավոր ճանապարհները ըստ Պետինգերյան բարտեզի» նախարարական Հայաստանի հասարակարգի հարցերին վերաբերող հոդվածներն հանրապետարեն է հանդիսանում նրա «Ֆեդգալիմ» հին Հայաստանում (Արշակունիների և մարդպանության շրջան)» ընդարձակ մենագրությունը:

Բերրոշ է, որ այն ժամանակ, երբ Ն. Աղեցիի՝ «Армения в эпоху Юстиниана» աշխատության մեջ նախարարական Հայաստանի ասիական արտադրողների շինականների մասին խոսվում է ի միջի այլոց, Հ. Մանանդյանի աշխատության մեջ շինականներին նվիրվում է

Հատուկ րնդարձակ գլուխ։ Այս աշխատությունը մեծ ներդրում է սովետական պատմագրության մեջ և իր նշանակությամբ ու արժեքով կարելի է համեմատել ակադեմիկոս Վ. Բ. Գրեկովի «Կիևյան Ռուսիա» մենագրության հետ։

Գիտության մեջ խոշոր ավանդ է հանդիսանում Մանանդյանի «Տիգրան Բ. և Հոռմը» կապիտալ գործը, որտեղ մենագրական առաջին աշխատությունն է՝ նվիրված պետական ակադեմիկոսի գործիչ և գորավար Տիգրան 2-րդին։

Չնայած այն մեծ հետաքրքրությունը, որ և՛ լի է Տիգրան 2-րդի անձնավորության և նրա ժամանակաշրջանի վերաբերյալ, Հայաստանի պատմության այդ ժամանակաշրջանի մասին մինչև այդ չէր գրվել մի լուրջ մենագրություն։

Հայսովետ-առամարանները սովորաբար հենվում էին բուրժուական պատմագիրների՝ Մ. Պ. Պլեխանովի, Բ. Լենինի և Ֆերերիի երկերի վրա, որոնք Հայաստանի պատմությունը դիտում էին լրրի մի կայուն և կցված Հոռմի կամ Պոնտոսի պատմություն։ Այդ պատմաբանները, որպես հոռմական մեծագույնական բաղադրականություն, յատկացնում էին, պոնտոս-հոռմական պատերազմները դիտել են իրենք բարբարոս Արևելքի պայքար՝ բաղադրված Արևմուտքի դեմ։ «Այնպես, — գրում է հեղինակը, — արևելյան երկրների կողմից և ֆինանսական շահագործման նպատակով ստրկատիրական Հոռմի ձեռնարկած այդ պատերազմները տարվում էին ոչ թե բարբարոսական Արևելքի դեմ, այլ առաջադիմական երկու միապետների դեմ, որոնք ամեն կերպ ձգտում էին վերականգնել իրենց պետությունները՝ լայնորեն հիմնելով նրանց մեջ հունական տիպի և հելլենական կուլտուրայի բաղադրությունը և զարգացնելով առևտուրը, արհեստները և արդյունաբերությունը» (էջ 9)։

Հ. Մանանդյանի հիմնական ծառայությունն այն է, որ նա նորից վերանայելու ու մանրագնի էր ներկայի վերլուծման է ենթարկել Հայաստանի մասին անտիկ հեղինակներից մեզ հասած բոլոր տեղեկությունները։ Նա հատկապես կանգ է առնում հելլենիստական շեղորաղությունների սակավաթիվ վկայությունների վրա, որոնք անտիկ Հայաստանի մասին ավելի օրենկավորված և ճշմարտացի տեղեկություններ են տալիս։ Մանանդյանը բնագիտում է հոռմական պաշտոնական աղբյուրները՝ հելլենիստական և հայկական սկզբի ու շրջանի աղբյուրների հետ և, հենվելով նրանց համեմատական և քննադատական ուսումնասիրության վրա, հին Հայաստանի պատմության շատ և շատ փաստերի տալիս է «հանգամանքները յուրաքանչյուրին նա ցույց է տալիս, որ ստրկատիրական Հոռմը Արևելքում չի տարածել բնիկական բաղադրությունը, այլ ընդհանրապես, Հոռմը բայցայել է հելլենիստական կուլտուրան և ոչնչացրել իր սրված երկրների ժողովուրդների տնտեսական և կուլտուրական հետագա զարգացման բոլոր նախադրյալները։

Շնորհիվ Հ. Մանանդյանի այս խոշոր աշխատության՝ հնարավոր դարձավ մի կողմ ներառել այդ կայունի մասին գիտության մեջ տիրապետող սխալ պատկերացումները։

Ակադեմիկոս Հ. Մանանդյանի այս բոլոր աշխատությունները ամփոփվել են վերջերս լույս տեսած նրա «Քննական տեսություն հայ ժողովրդի պատմության» կապիտալ աշխատության առաջին հատորում, որ տրված է Հայաստանի պատմություն՝ հնագույն ժամանակներից մինչև Արշակունիների թագավորությունը։ Հայաստանում (այսինքն՝ 6-րդ դարից մ. թվ. ա. մինչև մ. թվ. 66 թվականը)։ Այս աշխատության լույս ընծայումը խոշոր երևույթ է հայկական և ընդհանրապես սովետական պատմագրության պատմության մեջ։ Այնտեղ միանգամայն նոր մեկնաբանությամբ տրված է հետազոտության ժամանակաշրջանը, որը վերջանում է Հայաստանում Արշակունիների հարստության հաստատմամբ (55 թվ. մ. թ. ա. — 66 թ. մ. թ.)։ Այս բաժինը սրված է հայերի հոռմական զավթիչների և նրանց արքայականների դեմ անընդհատ պայքարի տեսանկյունով։

Բազմաթիվ էջերում հեղինակը երևան է հանում հայերի անճնություն և տոկոն պայքարը հոռմական նվաճողների դեմ։

Հ. Մանանդյանի մի շարք կապիտալ հետազոտություններ՝ ինչպես «О торговле и городах Армении в связи с мировой торговлей древних времен», «Ֆեոդալիզմը հին Հայաստանում», «Հայաստանի գլխավոր ճանապարհները ըստ Պեդիոնգերյան բարտեզի», «Հոռմական դպրոցը և նրա զարգացման շրջանները», «Տիգրան Բ-ն և Հոռմը», «Քննական տեսություն հայ ժողովրդի պատմության» բազմահատորյակը և այլն, արժեքավոր ներդրում են հանդիսանում հայագիտության բնագավառում, հարստացրել են հայ ժողովրդի պատմական անցյալի ուսումնասիրությունը նոր փաստերով և առաջին անգամ լույս են սփռում այդ պատմության բազմաթիվ մութ էջերի վրա։

Սովետական հասարակայնությանը և պատմական գիտությանը մատուցած այս ծառայությունների համար Հ. Մանանդյանը բարձր պահանջության է արժանացել սովետական ժողովրդի մեր պարտիայի և կառավարության կողմից։ 1935 թ. նոյեմբերի 28-ին, համաձայն Հայկական ՍՍԽ ԿԳԿ նախագահության որոշման՝ Հ. Մանանդյանին շնորհվում է գիտու-

թյան վաստակավոր գործչի կոչում: 1938 թվին, երբ նշանակված էին Համամիութենական Գիտությունների Ակադեմիայի ընտրությունների նա ՍՍՌԽ Գիտությունների Ակադեմիայի Հայկական Ֆիլիալի, ՍՍՌԽ Գիտությունների Ակադեմիայի Պատմության Ինստիտուտի և Երևանի Պետական Համալսարանի կողմից առաջադրվում է Ակադեմիայի իսկական անդամության քննաժողովում: Մանանյանի թեկնածությունը չեղման ենթարկվելու և զտնում Սովետական Միության դիտակալող Հասարակականության Հոգմից, ՍՍՌԽ Գիտությունների Ակադեմիայի (նախկինում Ժողովում (1939 թ. հունվարի 29-ին) նա ընտրվում է ՍՍՌԽ Գիտությունների Ակադեմիայի իսկական անդամ:

Հիտերյան բարբարոսների դեմ սովետական ժողովրդի մղած Հայրենական Մեծ պատերազմի ժամանակ, երբ Հայկական ՍՍՌ Գերագույն Սովետի նախագահության որոշմամբ հիմնվեց Հայկական ՍՍՌ Գիտությունների Ակադեմիան, անվանի գիտնականը ընտրվեց նոր Ակադեմիայի իսկական անդամ: 1945 թ., ՍՍՌԽ Գերագույն Սովետի որոշմամբ ակադեմիկոս Մանանյանը պարգևատրվում է աշխատանքային կարմիր Դրոշի շքանշանով:

Այժմ.— Վերադառնում է իր գեկուցումը ընկ. Երեմյանը.— Նշելով ակադեմիկոս Հակոբ Մանանյանի ծննդյան 75-ամյակը, ցանկանում ենք նրան նորանոր Հանրություններ և մաթեմատիկոսներ, որ նա սովետական պատմագիտությունը հարստացնի կապիտալ նոր հետազոտություններով, բնական գիտական է՝ ազնիվ բեղմնավոր գործունեություն, ի փառս սովետական պատմագիտության:

Ու. Երեմյանի գեկուցումից հետո Հայկական ՍՍՌ Գիտությունների Ակադեմիայի նախագահության հանձնարարությամբ հորեկյարին ողջունեց ակադեմիայի պրեզիդենտ Վ. Համարձումյանը: Նշելով Հայաստանի պատմության և ֆիլոլոգիայի ասպարեզում Մանանյանի մատուցած խոշոր ծառայությունները, նա ասաց.

— Ակադեմիկոս Մանանյանը մեր ռեսպուբլիկայի մեծագույն պատմաբանն է: Նա իր գիտական ուսումնասիրությունների մեջ հատուկ ուշադրություն է դարձնում սոցիալ-տնտեսական հարցերի վրա, որոնց ուսումնասիրությունը միակ գիտական ճանապարհն է ժողովրդների պատմությունը ճիշտ հասկանալու համար: Մանանյանը, առաջինը Հայ պատմագրության մեջ, իր հմտալից ուսումնասիրություններում կարողացավ երևան հանել Հայ շինականի վիճակը, ցույց տալ միջնադարյան Հայաստանի սոցիալ-տնտեսական պատկերը: Բազմաթիվ նոր փաստերով, ակադեմիկոս Մա-

նանյանը պայքարել է արևմտավրոպական բուրժուական պատմագրության սխալ և հակա-գիտական կոնցեպցիաների դեմ, վեր հանելով Հայ ժողովրդի հերոսական ազատագրական պայքարը հոմեական նվաճողների դեմ: Տիգրան երկրորդի ժամանակաշրջանում:

Նախկինում պատմության համար մեծ նշանակություն ունեն նրա այն հետազոտությունները, որոնք վերաբերում են չափազանցության խնդիրներին:

Մանանյանը ոչ միայն պատմաբան է, այլև ֆիլոլոգ, տեքստերի հրատարակիչ և աղբյուրագետ:

Ակադեմիկոս Մանանյանը խոշոր աշխատանք է կատարել հիտասարդ կադրերի պատրաստման ու աճեցման բնագավառում: Մեր ռեսպուբլիկայի պատմաբաններից շատերը նրա աշակերտներն են:

Հուսով ենք, որ հարգելի հորեկյարը այսուհետև ևս շարունակի իր օգտակար և բեղմնավոր գործունեությունը գիտության ու նոր կադրերի պատրաստման բնագավառում:

Գիտությունների Ակադեմիայի նախագահության աշունից ցանկանում եմ ակադեմիկոս Մանանյանին երկար կյանք, առողջություն և նույնպես փայլուն հիտական գործունեություն:

Աղոթեցանական ՍՍՌ Գիտությունների Ակադեմիայի նախագահության անունից ողջունելի խոսք ասաց պրոֆեսոր Ալիզադեն:

— Աղոթեցանական ՍՍՌ Գիտությունների Ակադեմիայի նախագահության անունից ողջունելի խոսք ասաց պրոֆեսոր Ալիզադեն:

Պրոֆեսոր Ալիզադեն արժեքավորում է ակադեմիկոս Մանանյանի աշխատությունները որպես Անդրկովկասի բոլոր ժողովուրդների պատմության գիտական ուսումնասիրման հավաստի աղբյուր:

Երևանի Վ. Մ. Մուրտուկի անվան Պետական Համալսարանի կողմից ողջունելի խոսք է ասում համալսարանի պատմության ֆակուլտետի ղեկավար, դոցենտ Հ. Ժամկոչյանը: Նա արժեքավորելով Մանանյանի գիտական ուսումնասիրությունները, կանգ է առնում հատկապես նրա երկարամյա բեղուն մանկավարժական գործունեության վրա:

Հայկական ՍՍՌ Գիտությունների Ակադեմիայի Պատմության Ինստիտուտի անունից հորեկյարին ողջունում է Հասարակական գիտությունների բաժանմունքի գիտական քուրտու-

գար, պատմական գիտությունների թեկնածու Ի. Առաքելյանը:

— Մեր պատմագրության մեջ, — ասում է նա. — Դուք առաջինը պատմական պրոցեսը ուսումնասիրեցիք տնտեսական զարգացման հետ սերտ առնչված, վեր հանելով նախարարական Հայաստանի անմիջական արտադրողների՝ շինականների սոցիալական և իրավական պիճակը: Մանրագին ուսումնասիրելով աշխարհագրական, շափագիտական, հնագիտական և այլ տվյալներ, դուք լուծեցիք պատմական աշխարհագրության և մետրոլոգիայի մի շարք հանգուցային ու տեղեկացվածային հարցերը, որոնց նշանակությունը չի սահմանափակվում հայագիտության շրջանակներում:

Ձեր պրպտող միտքը, մեծ Լրագիցիան, ուսական ու համաշխարհային պատմագրության լավատեղյակությունը, սկզբնաղբյուրները քննադատորեն հաղթահարելու և օգտագործելու հմտությունը, ինչպես և հայ ու կլասիկ տեքստերի օրինակելի հրատարակություններն ու ռազմաթիվ աշխատությունները Ձեզ դարձրին սովետական պատմագիտության ավագ սերնդի ակնավոր դեմքերից մեկը, որից շատ բան ունեն սովորելու մեր պատմաբանները:

Խ. Արուսյանի անվան Երևանի Պետական Մանկավարժական ինստիտուտի կոնկրետի անունից հոբելյանին ողջունեց Վ. Պարսամյանը: Նա հակիրճ կերպով բնութագրելով Մանանդյանի հիսուն տարվա գիտական անխնայ աշխատանքը, նրա քաջադիկ աշխատությունները, ասաց.

— Մենք գիտենք, որ նախասովետական շրջանում Դուք, ինչպես նաև ռազմաթիվ հայ գիտնականներ, զուրկ եք եղել գիտական աշխատանքի պայմաններից, տարիներ շարունակ երազել եք աշխատանքի նորմալ պայմաններ ստեղծել էլմեծնում, Թիֆլիսում, Բարվում, Մոսկվայում և Կետերբուրգում, բայց այդ Ձեզ չի հաջողվել: Սովետական իշխանությունը բուլտր գիտական աշխատողների, այդ թվում և Ձեզ համար, ստեղծեց գիտական աշխատանքի լայն հնարավորություններ: Սովետական իշխանության տարիները եղան Ձեր գիտական գործունեության ամենաբեղմնավոր տարիները:

Այնուհետև՝ թվարկելով Սովետական իշխանության տարիներին ակադեմիկոս Մանանդյանի հրատարակած գիտական հմտալից աշխատությունները, պրոֆ. Պարսամյանն ասաց.

— Ձեր պրպտող ու խորաթուփանց մտքի և բեղմնավոր գրչի վաստակները ավելի բան հինգ տասնյակի հասնող հետազոտությունները հարստացրին մեր սովետական պատմագիտությունը, լուսաբանեցին, կամ նպաստեցին լու-

սաբանելու հայոց պատմության ռազմաթիվ մութ ու կնճռոտ հարցերը:

Գիտությունների Ակադեմիայի Մ. Արեգյանի անվան Իրականության ինստիտուտի անունից ողջունելի խոսք ասաց ֆիլոլոգիական գիտությունների դոկտոր Հ. Ղանալանյանը: Արժեքավորելով Մանանդյանի մի շարք մեծագրությունները, նշելով Երանց տեղը հայ պատմագրության մեջ, նա ասաց.

— Ակադեմիկոս Մանանդյանի գիտական ուղևոր միտքը չի սիրել տրոբված ճանապարհներով րնթանալ: Ինչպես ճարտարապետ Բորոս Թորամանյանը մեր ճարտարապետական հորեմնի հույակապ կոթողների, Ջվարթնոցի, Տեկորի տաճարի բեկորների հիման վրա վերականգնում էր այդ հուշարձանների կերպարն ու ձևերը, ճարտարապետական կառուցվածքները, այնպես էլ ակադեմիկոս Մանանդյանը մատենագրական սղբյուրներում եղած հին Հայաստանի սոցիալական շարժումների, դասակարգային պայքարի և երկրի ներքին կյանքը պատկերող կցկտուր տեղեկությունների հիման վրա, քաջահայտում է հին ժամանակների Հայաստանի տնտեսական կյանքը, սոցիալական հարաբերությունները: Լուսաբանելով հին Հայաստանի տնտեսական և հասարակական կյանքի այդ նրեույթները, նա լույս է սփռում նաև այդ շրջանի հայ գրականության վրա, օգնում է հասկանալու և գնահատելու վերջինիս էությունը:

Գիտությունների Ակադեմիայի Մաոի անվան Լեզվի ինստիտուտի կողմից հոբելյարին ողջունեց ինստիտուտի գիտական քարտուղար, ֆիլոլոգիական գիտությունների թեկնածու Ս. Ղազարյանը:

— Դուք համոզիչ փաստերով հաստատել եք, — ասաց նա, — ֆեոդալիզմի գոյությունը Հայաստանում և ընդհանուր գծերով տվել եք հայ ֆեոդալիզմի հիմնական առանձնահատկությունների սկարագիրը:

Այնուհետև խոսելով հոբելյարի «Հունարան դպրոցը և նրա զարգացման շրջանները» աշխատության մասին, համարելով այդ գործը որպես բանասիրական լուրջ և հմտալից մի հետազոտություն, որի մեջ առաջին անգամ նկարագրված է հունարան դպրոցի ներկայացուցիչների գործունեությունը, նշված է այդ դրպրոցի առաջացման պատճառներն ու զարգացման շրջանները, Ս. Ղազարյանն ասաց.

— Ձեր այդ աշխատությունը կարևոր ուղեցույց է, որը չի կարող անտեսել հայոց լեզվի և հայ ժողովրդի պատմությանը զբաղվող մասնագետը: Դուք նուրբ գիտողություններ եք առել հայերեն մի շարք բառերի, առանձնապես,

Ֆեոդալական հարաբերություններն արտացոլող տիրմիկների ստուղարանության ու ճշգրտման ասպարեւում:

Գիտությունների Ակադեմիայի Պատմական թանգարանի անուկից ողջույնի խոսք ասաց ավագ զիտ. աշխատակից Ա. Շահազարյանը:

— 45—47 տարի որանից առաջ, — ասաց նա, — շերեւ Ղևորդյան ճեմարանի ուսուցիչ եղած ժամանակվանից ես վկա եմ եղել Մանանդյանի այդ շրջանի գործունեությանը: Դաժան էին պայմանները: Մեր բոլորի սիրելի մանանդյանը քաղաքականություն էր ստանում միայն ու միայն աշակերտների մեջ, որոնց սովորեցնում էր ըր մասնագիտությունը: Այն ժամանակվա համայնական միջավայրը և ծանր պայմանները հնարավորություն չէին տալիս նրան զարգացնելու այն բնական ձիրքը, որ նա ունեւր: Միայն Սովետական իշխանության հաստատումից հետո, երբ հնարավորություն տրվեց բոլոր գիտնականներին զրտնորել իրենց գիտական կարողություններն ու ունակությունները, աշխատելու Մանանդյանը կարողացավ շարունակել իր սիրած աշխատանքը և միմյանց հետից լույս բնծայել հմտալից ու մեծարժեք իր գիտանան ուսումնասիրությունները:

Ռուսական Մանկավարժական ինստիտուտի կողմից հոբելյարիս ողջունեց տնտեսական գիտությունների թեկնածու Ս. Ջոհրաբյանը, որը հակիրճ բնութագրելով Մանանդյանի տի շարք ուսումնասիրությունները, ցույց տվեց այն նորը, որ հոբելյարը մտցրել է հայ պատմագրության մեջ և գրավել իր արձանի տեղը սովետական գիտնականների առաջավոր շարքերում:

Այնուհետև ընթերցվեցին Հ. Մանանդյանի անունով հոբելյանի կապակցությամբ ստացված ողջույնի հետադրերը: Ողջույնի հեղագրերն էն ստացվել ՄԱՌԻԳ Գիտությունների Ակադեմիայի Նախագահությունից, ՄԱՌԻՄ Գիտությունների Ակադեմիայի Պատմության և փիլիսոփայության գիտությունների բաժանմունքից, Արևելագիտության ինստիտուտից, Վրաստանի, Ազրբեյջանի, Լատվիայի, Ուկրաինայի, Հատոնիայի, Լիտվայի, Ուզբեկստանի Գիտությունների Ակադեմիաներից և առանձին գիտական կազմակերպություններից, Սովետական Միության մի շարք խոշոր գիտնականներից:

Ողջույնի հեղագրերի ընթերցումից հետո վերջին խոսքով համար ձայնը տրվում է հոբելյարին:

Ակադեմիկոս Մանանդյանն ասում է:

— Ընկերներ, ես խորապես զգացված եմ այն սիրալիք ու ուշադիր վերաբերմունքից, որ ցույց տվի՝ ինչ իմ ծննդյան 75-ամյակի և գիտական գործունեության 50-ամյակի առթիվ

գիտական հիմնարկները և առանձին գիտաշխատողները Հայաստանի ու նաև եղբայրական սովետական ռեսպուբլիկաների: Ըս իմ սրտագին շնորհակալությունն եմ հայտնում բոլոր նրանց, ովքեր ինչ շնորհավորական հեղագրեր են ուղարկել ու նաև բոլոր ներկա եղողներին այստեղ նիստում:

Իմ գիտական աշխատանքների մասին այսօր քավական արդեն այստեղ խոսեցին և խոսեցին այնպես, ինչպես այդ ընդունված ու սովորական է հոբելյանական հանդիսավոր նիստերի ժամանակ: Իսկ ես կցանկանայի մի քանի խոսք ասել ոչ այնքան այն մասին, թե անցյալում ինչ աշխատություններ եմ կատարել, որքան այն մասին, թե ինչ աշխատություններ պիտի կատարվեն ամենամոտ ապագայում:

Ձեզ քույրիդ լավ հայտնի է, որ ընդմեջվոր ու լուրջ գիտական աշխատանքը հնարավոր եղավ Հայաստանում, ինչպես և անդրկովկասյան եղբայրական ռեսպուբլիկաներում, միայն նրանից մեջ Սովետական իշխանության հաստատումից հետո, երբ ամենուրեք բացվեցին գիտական հիմնարկներ և ազգային հասարականեր: Միայն և միայն շնորհիվ իմաստուն լենինյան-ստալինյան ազգային քաղաքականության ստեղծվեցին մեզ մոտ նպաստավոր պայմաններ գիտության զարգացման համար և էս. հնարավորություն ստանալով ամբողջապես նվիրվելու իմ սիրած գիտական ստեղծագործական աշխատանքին՝ կարողացա մեծ ոգևորությամբ ձեռնարկել համառ աշխատանքի և ուսումնասիրել հին և միջնադարյան Հայաստանի պատմությունն ու կուլտուրան:

Ըս արդեն իմ աշխատություններում մատնանշել եմ, որ հայ շնորհիվ պատմությունը, այն ունի ավելի քան երկու և կես հազարամյակի տևողություն, ամենասերտ կերպով կապված է եղել համաշխարհային մեծ պատմությունների պատմության հետ:

Ըվ, անշուշտ, այդ է հենց պատճառը, որ Հայաստանի պատմությունը քննարկված է, սեղմ ու միջանկյալ կերպով, եվրոպական գիտնականների զլխավորապես այն երկերում, որոնց նպատակն է եղել ուսումնասիրել ոչ թե Հայաստանի, այլ հարևան մեծ պատմությունների պատմությունը:

Պատմագիտական գրեթե բոլոր հայկական երկերում, ինչպես և հին Հայաստանի պատմությունը նվիրված ուսերեն ու ֆրանսերեն նշխատություններում, ինչպես ես մատնացույց եմ արել, հայերի հին անցյալին վերաբերվող զեպրերի նկարագրությունն ու լուսաբանությունը մեջ են բերված համարյա անփոփոխ եվրոպական գիտնականների, զլխավորապես վերոհիշյալ երկերից: Ինչ թվում է, որ եվրոպական

ակումբները գիտնականների երկերի անընտելաց-
տական հենց . այդ օղտագործումը գլխավոր
թերություններից մեկն է հայ պատմագրու-
թյան:

Մեր երիտասարդ գիտաշխատողները պետք
է հետևաբար նկատի ունենան, որ չի կարելի
հայ ժողովրդի պատմությունը քննարկել ու
շարադրել բանագրորեն, օգտվելով նախորդ
աշխատություններից, այլ անհրաժեշտ է նոր
ուշադիր քննության ենթարկել սկզբնաղբյուրնե-
րի բուն տվյալները: Ե այդ է, որ հնարավո-
րություն է տալիս նոր ձևով քաջատրելու վի-
ճելի հին պրոբլեմները և լուսաբանելու պատ-
մական անցքերը Հայաստանի պատմության
չբացահայտված:

Իմ «Տիգրան Կ և Հոռմա» աշխատության
մեջ ես մասնաշաղկապ էի արել նաև այն, որ
մինչև իսկ եվրոպական ամենաանվանի պատ-
մագետների երկերում նկատելի է հակադիտա-
կան հատուկ տենդենցիա՝ Արևմուտքի իդեալա-
կանացում, իրենց քարծիր կուլտուրայի կրողի, և
ակներև արհամարհական վերաբերմունք դեպի
Արևելքը և արևելյան ժողովուրդները, որոնք
համարվում են արդահատելի ցածր երևույթ:

Մեր նրիտասարդ պատմաբանները պետք
է, ուրեմն, նաև նկատի ունենան, որ մենք
պարտավոր ենք կատուցել մեր սեփական, սո-
վետական դիտությունը: Հայաստանի պատմու-
թյանը նվիրված նորագույն աշխատությունների
խնդիրն է լինելու ոչ թե հայ ժողովրդի անցյա-
լի իդեալականացումը, այլ այդ անցյալի
հզորիտ և լզեղեցկացրած լուսաբանությունը,
որը հիմնված պետք է լինի սկզբնաղբյուրների
մանրախույզ ու քննական վերլուծության վրա
ու նաև պատմագիտական նախորդ աշխատու-
թյունների սխալ ընդհանրացումների վերա-
քննության վրա:

Իսկ ամենայուրը թերությունը Արևմտյան
Եվրոպայի պատմագիտությանն այն է, որ եվ-
րոպական գիտնականները, նշելով Արևելքի
ժողովուրդների հետամնացությունը և նրանց
հասարակական կյանքի անշարժությունը, հնա-
րավոր են համարել ուսումնասիրել միայն
նրանց արտաքին քաղաքական պատմությունը
և գրեթե անտես են արել սոցիալական-տնտե-
սական ներքին պատմությունը թե Արևելքի այլ
երկրները և թե, հատկապես, նաև հին Հայաս-
տանի: Ինչպես հայտնի է, հին Հայաստանի
ներքին կյանքը շատ քիչ է ուշադրության
առնվել, նմանապես և հայ ժողովրդի պատմու-
թյանը նվիրված նախադասություններ շրջանի
ուրիշ հին և նոր տեսություններում և ձեռ-
նարկներում:

Հոկտեմբերյան Սոցիալիստական Մեծ ուն-

ուցիան սովետական պատմագետների առջև
դրեց նոր կարևորագույն խնդիրներ և հասկանա-
լի է, որ հայ ժողովրդի պատմության ուսում-
նասիրությունը ևս պետք է կատուցվել ավելի
քարծիր մակարդակի վրա: Մեր ամենաառաջին
խնդիրը նշավ մեր ժողովրդի պատմությունը
քաջատրել սոցիալ-տնտեսական զարգացման և
դասակարգային պայքարի տեսանկյունով:

Արևմտաեվրոպական պատմական գիտու-
թյունը նաև այս խնդիրը լուսաբանում էր
սխալ: Մոմզենը, օրինակ, իր «Հոռմեական
պատմության» մեջ պնդում է, որ ասիացիներն
անսահման հակում ունեն պասիվության և ըն-
դունակ չեն ինքաբերաբար ոտքի ելնել շահա-
գործող իշխանությունների դեմ: Այս կարծի-
քը, իհարկե, քաջարժակապես սխալ է: Ինչպես
ևս իմ աշխատությունների մեջ քաղվեց մատ-
նանշել եմ, կրոնական դարավոր պայքարը, որը
կատաղի կերպով մղվում էր Մերձավոր Արև-
ելքում և, մասնավորապես նաև հին Հայաստա-
նում, արձադանք էր սոցիալական պայքարի
ֆեոդալական հասարակության դասակարգերի
միջև:

Այսպիսով, ինչպիսի սենսում ենք, սովետա-
կան պատմաբանների առջև դրված խնդիրները
շատ քառք էին և խիստ պատասխանատու
Հայրկավոր էր վերստուգել այն ամենը, ինչ որ
արել էին հայագետների նախորդ սերունդները
և, առաջին հերթին, անհրաժեշտ էր հավաքել ու
վերանայել սկզբնաղբյուրների մեջ եղած նյու-
թերը, որ վերաբերվում էին Հայաստանի սո-
ցիալ-տնտեսական պատմությանը:

Ուստի ե, սկսած 1922 թվից, ես հրատա-
րակել եմ, բացի քաղմաթիվ բանասիրական,
լուսագիտական և պատմական-աշխարհայորա-
կան աշխատություններից, հատկապես նաև
հոգվածներ ու մենագրություններ, որոնք
նվիրված են հին Հայաստանի տնտեսական և
սոցիալական կյանքի առանձին խնդիրների լու-
սաբանության:

Սկզբնական իմ այս ուսումնասիրություն-
ներն ունեին նախապատրաստական բնույթ և
նյութ էին ծառայելու Հայաստանի ներքին
կյանքի մասին ավելի ընդհանուր մեծ աշխա-
տությունների համար, որոնք այսօր մանրա-
մասն այստեղ հիշատակվեցին:

Ընկճրներ, Հոկտեմբերյան Սոցիալիստա-
կան Մեծ ունուցիան մեծ հեղաշրջում առաջ
բերեց գիտության, տեխնիկայի և արվեստի
ասպարեզներում և, մասնավորապես նաև պատ-
մական գիտության ասպարեզում: Ռևոլուցիան
մեզ դաստիարակել է ու օգնել է ավելի լավ
հասկանալու և իմաստավորելու մեր ժողովրդի

պատմությունը և կուլտուրան: Աշխարհիս և ոչ մի երկրում պիտույությունն այնպիսի հոգատար վերաբերմունք չունի դեպի գիտությունն ու գիտնականները, ինչպես մեր Սովետական երկրում:

Շնորհակալություն եմ հայտնում նորից թե այսօրվա նիստին ներկա եղողներին և թե հետագանիով ինձ շնորհավորողներին և խոստա-

նում եմ, որ ես իմ հետագա աշխատանքի ընթացքում կաշխատեմ արդարացնել ինձ ցույց տրված մեծ վստահությունը ու նաև ամեն ջանք գործ կդնեմ իրազործելու այն խնդիրները, որ սովետական գիտնականներին առաջադրել է մեր ղեկավար ու ուսուցիչ Մեծ Ստալինը:

ՀԱՅԿԱԿԱՆ ՍՍՌ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ԸՆԴՀԱՆՈՒՐ ԺՈՂՈՎՆԵՐԸ

1948 թվականի հոկտեմբերի 15-ին տեղի ունեցավ Հայկական ՍՍՌ Գիտությունների Ակադեմիայի ընդհանուր ժողովը:

Հայկական ՍՍՌ Գիտությունների Ակադեմիայի պրեզիդենտ, Ակադեմիայի իսկական անդամ Վ. Հ. Համբարձումյանը բաց անելով ժողովն, ասաց.

— Ընկերներ, քեզիստ մեզ մոտ մեկ ամսից հետո լինելու է Հայկական ՍՍՌ Գիտությունների Ակադեմիայի ընդհանուր ժողովի նստաշրջան, ինչպես լինում է միշտ, սակայն Ակադեմիայի նախագահությունը նպատակահարմար գտավ այսօր նշանակել ընդհանուր ժողովի մեծ նիստ, որտեղ կլսվի Հայկական ՍՍՌ Գիտությունների Ակադեմիայի իսկական անդամ Ա. Ի. Ալիխանյանի զեկուցումը՝ «Նոր տարրական մոտեցիկներ կոսմոսիկական ճառագայթների կազմում» թեմայով, և կկատարվեն Հայկական ՍՍՌ Գիտությունների Ակադեմիայի ներկա նոր իսկական անդամների ընտրությունները:

Պետք է նկատել, որ ընդհանուր ժողովի այսօրվա նիստին զբաղեցնող հարցերը — ինչպես գիտական, այնպես էլ կազմակերպական հարցերը — ունեն լավագույն կարևոր նշանակություն:

Հայկական ՍՍՌ Գիտությունների Ակադեմիայի իսկական անդամ Ա. Ի. Ալիխանյանն այսօրվա էր զեկուցումով մեզ հաշվետվություն պետք է ներկայացնի այն խոշորագույն և բացառիկ կարևորություն ունեցող աշխատանքներից մեկի մասին, որը կատարվում է մեր Ակադեմիայում և որը, ինչպես բոլորին հայտնի է, ունի համաշխարհային նշանակություն:

Ահա թե ինչու մեր Ակադեմիայի իսկական անդամները և ուրիշ շատերը քերձ ցանկություն հայտնեցին վերը հիշված զեկուցումը

լսել մեր Ակադեմիայի ընդհանուր ժողովում:

Բացի դրանից՝ մեր առաջ ծառացած են խոշոր խնդիրներ, որոնք առաջադրվում են էյանքի երկրորդ, Այդ կարգի խնդիրներից մեկն է՝ մեր Ակադեմիայի ամբողջ աշխատանքը մոտեցնել սոցիալիստական շինարարություն:

Բիոլոգիական հարցերի շուրջը Վ. Ի. Ալիխանյանը հայտնեց Գյուղատնտեսական Գիտությունների Համամիութենական Ակադեմիայի օգոստոսյան սեսիան, որն ավարտվեց միջուրիյան բիոլոգիայի հաղթանակով, ինչպես նաև Հայկական ՍՍՌ Գիտությունների Ակադեմիայի Բիոլոգիական գիտությունների Բաժանմունքի և Գյուղատնտեսական գիտությունների Բաժանմունքի վերջերս կայացած միացյալ սեսիան, մեր առաջ խնդիր դրեցին որոշ վերակառուցում կատարել Բիոլոգիական և Գյուղատնտեսական գիտությունների Բաժանմունքների աշխատանքների մեջ, այսինքն, ինչպես ասացի, աշխատանքը մոտեցնել էյանքին, մոտեցնել սոցիալիստական շինարարությանը:

Այս տեսակետից լավագույն մեծ նշանակություն կունենա մեր Ակադեմիայի իսկական անդամների կազմի ուժեղացումը, մի կողմից՝ գյուղատնտեսական ու բիոլոգիական գիտությունների և, մյուս կողմից՝ այլ գիտությունների բնագավառում աշխատող նոր ընկերներով:

Այդ գիտությունների թվում մեզ համար խոշոր նշանակություն ունի երկրաբանությունը, որը լավագույն կարևոր է երկրի ընդերքում թաքնված բնական հարստություններն ուսումնասիրելու տեսակետից: Մեր Ակադեմիայի իսկական անդամների կազմը լրացնելու կապակցությամբ կառավարության կողմից բացված է իսկական անդամության երկու վականս